

**WET OP BEVORDERING VAN TOEGANG TOT INLIGTING, 2000 (WET NO. 2 VAN 2000):
REGULASIES RAKENDE DIE BEVORDERING VAN TOEGANG TOT INLIGTING, 2021**

Ek, Ronald Ozzy Lamola, die Minister van Justisie en Korrektiewe Dienste, maak hierby kragtens artikel 92 van die Wet op Bevordering van Toegang tot Inligting, 2000 (Wet Nr. 2 van 2000), die regulasies in die Bylae.

**R O LAMOLA, MP
MINISTER VAN JUSTISIE EN KORREKTIEWE DIENSTE
DATE: 29/07/2021**

**BYLAE
INDELING VAN REGULASIES
HOOFSTUK 1
ALGEMEEN**

1. Woordomskrywing

**HOOFSTUK 2
BESKIKBAARHEID VAN GIDS**

2. Verpligtinge van Inligtingsreguleerder
3. Verpligtinge van Inligtingsbeampte

**HOOFSTUK 3
TOEGANG TOT INLIGTING**

4. Outomatiese beskikbaarheid van sekere rekords van openbare liggaam
5. Vrywillige openbaarmaking en outomatiese beskikbaarheid van sekere rekords van privaatliggame
6. Besikbaarheid van rekords van politieke partye
7. Versoek om toegang tot inligting
8. Uitslag van versoek en van gelde betaalbaar
9. Interne appèl teen besluit van inligtingsbeampte van openbare liggaam

HOOFSTUK 4 KLAGTES AAN INLIGTINGSREGULEERDER

10. Indien van klagtes
11. Prosedure vir ondersoek van klagtes
12. Skikking van aangeleentheid
13. Bemiddeling van aangeleentheid
14. Oudit

HOOFSTUK 5 DIVERSE

15. Elektroniese kommunikasie
16. Misdrywe en strawwe
17. Herroeping en oorgangsmaatreëls
18. Kort titel

AANHANGSEL A

Vorm:

1. Versoek om 'n kopie van die gids
2. Versoek om toegang tot rekord
3. Uitslag van versoek en gelde betaalbaar
4. Indiening van 'n interne appèl
5. Indiening van klagte
6. Erkenning van ontvangs van klagte
7. Kennisgewing aan inligtingsbeampte
8. Ontwikkeling en uitslag van ondersoek
9. Skikkingsvergadering
10. Skikkingsertifikaat
11. Bemiddeling van aangeleentheid
12. Bemiddelingsertifikaat
13. Versoek om 'n oudit

14. Kennisgewing van *versoek/Inligtingsreguleerder se eie besluit om 'n oudit te doen
15. Besluit oor doen van 'n oudit
16. Besluit oor oudit

HOOFSTUK 1 ALGEMEEN

Gelde

Woordomskrywing

1. In die Regulasies het enige woord of uitdrukking waaraan 'n betekenis in die Wet toegewys is, daardie betekenis en, tensy dit uit die samehang anders blyk, beteken--

“die Wet” die Wet op Bevordering van Toegang tot Inligting , 2000 (Wet Nr. 2 van 2000);

“klaer” by die toepassing van die Regulasies, 'n versoeker of 'n derde party soos in artikel 1 van die Wet omskryf;

“gids” die gids in artikel 10 van die Wet beoog;

“handtekening” sluit 'n handtekening beoog in artikel 13 van die /wet op Elektroniese Kommunikasies en Transaksies, 2002 (Wet Nr. 25 van 2002), in;

“Inligtingsbeampte” by die toepassing van die Regulasie, ook die Hoof van 'n privaatlid, soos omskryf in artikel 1 van die Wet en kan 'n adjunk-inligtingsbeampte insluit, indien sodanige ingevolge artikel 17 van die Wet gedelegeer; en

“skrif” sluit in die vorm van 'n databoodskap en wat toeganklik is op 'n wyse wat vir latere verwysings bruikbaar is, soos beoog in artikel 12 van die Wet op Elektroniese Kommunikasies en Transaksies, 2002.

HOOFSTUK 2 BESKIKBAARHEID VAN GIDS

Verpligtinge van Inligtingsreguleerder

2. (1) Die Inligtingsreguleerder moet die gids in elk van die amptelike tale beskikbaar stel--

(a) Deur publikasie in die Staatskoerant;

(b) by die Kantoor van die Inligtingsreguleerder, ter insae, tydens normale kantoorure;

(c) op die webwerf van die Inligtingsreguleerder; en

(d) aan die Direkteur-generaal van die Departement van Regeringskommunikasie-en-Inligtingselsels.

(2) Die Inligtingsreguleerder moet, op skriftelike versoek van 'n persoon, op 'n vorm wat wesenlik dieselfde is as Vorm 1 van die Regulasies, die getal kopië van die gids in die amptelike tale soos versoek, beskikbaar stel.

(3) Die Inligtingsreguleerder kan nie enige gelde hef nie vir--

(a) 'n kopie van die gids ingevolge subregulasie (2) beskikbaar gestel; of

(b) insae van 'n kopie van die gids by die kantoor van die Inligtingsreguleerder.

Verpligtinge van inligtingsbeampte

3. (1) 'n Inligtingsbeampte moet toesien dat 'n afskrif van die Gids, in ten minste twee van die amptelike tale, by sy of haar geregistreerde hoofkantoor, vir insae deur die publiek tydens normale kantoorure, is.

(2) Die Inligtingsbeampte moet, op skriftelike versoek van 'n persoon, op 'n vorm wat wesenlik dieselfde is as Vorm 1 van die Aangangsel A van die Regulasies, die getal kopieë van die gids in die amptelike tale soos versoek, beskikbaar stel.

(3) Die Inligtingsbeampte kan nie enige gelde hef nie vir--

(a) 'n kopie van die gids ingevolge subregulasie (2) beskikbaar gestel; of

(b) insae van 'n kopie van die gids by die kantoor van die Inligtingsbeampte.

HOOFSTUK 3 TOEGANG TOT INLIGTING

Outomatiese beskikbaarheid van sekere rekords van openbare liggaam

4. (1) Die inligtingsbeampte van 'n openbare liggaam moet 'n beskrywing opstel en hou van die kategorieë van rekords beoog in artikel 15(1) (a) van die Wet wat outomaties beskikbaar is sonder dat 'n versoeker 'n versoek om toegang daartoe moet rig.

(2) Die beskrywing beoog in subregulasie (1) moet so gou doenlik nadat enige 'n verwysing tot die beskrywing gemaak word, bygewerk word.

(3) Die beskrywing moet beskikbaar gestel word--

(a) aan die Inligtingsreguleerder;

(b) op die webwerf van die openbare liggaam; en

(c) ter insae by die hoofkantoor van 'n betrokke openbare liggaam tydens normale kantoorure.

(4) 'n Versoeker kan 'n kopie van 'n rekord bedoel in subregulasie (1) aanvra en moet van sodanige kopie voorsien word, by betaling van die gelde vir reproduksie soos in items 2 to 8 van Aangangsel B by die Regulasies voor voorsiening gemaak is.

Vrywillige openbaarmaking en outomatiese beskikbaarheid van sekere rekords van privaatliggame

5. (1) Die Hoof van die privaatliggaam kan 'n beskrywing opstel elni byhou van die kategorieë van rekords beoog in artikel 52(1) (a) van die Wet wat--

- (a) vrywillig openbaar gemaak word; of
- (b) outomaties beskikbaar is sonder dat 'n versoeker 'n versoek om toegang daartoe moet rig.

(2) Indien 'n beskrywing in subregulasie (1) beoog opgestel en bygehou is, moet dit--

- (a) so gou doenlik nadat enige 'n verwysing tot die beskrywing gemaak word, bygewerk word; en
- (b) beskikbaar gestel word--

(i) aan die Inligtingsreguleerder;

(ii) op die webwerf van die privaatliggaam; en

(iii) ter insae by die geregistreerde hoofkantore van 'n betrokke privaatliggaam tydens normale kantoorure.

(3) 'n Versoeker kan 'n versoek om kopie van 'n rekord bedoel in subregulasie (1) rig en moet van sodanige kopie voorsien word by betaling van die gelde vir reproduksie, soos wat in items 2 tot 8 van Aanhangel B tot die Regulasies voor voorsiening gemaak is.

Beskikbaarheid van rekords van politieke partye

6. Die rekords beoog in artikel 52A(1)(b) van die Wet moet ter insae beskikbaar wees--

(a) vanaf Maandae tot Vrydag, openbare vakansiedae uitgesluit, vanaf 8h00 tot 16h00 by die fisieke sakeadres van 'n politieke party; en

(b) elektronies op die webwerf van die politieke party, indien daardie politieke party 'n webwerf het.

Versoek om toegang tot inligting

7. (1) 'n Versoek om toegang tot 'n rekord soos beoog in artikel 18(1) van 53(1) van die Wet, moet aan die inligtingsbeampte gerig word op 'n vorm wat wesenlik dieselfde is as Vorm 2 van die Aanhangel A by die Regulasies.

(2) Die inligtingsbeampte moet--

(a) 'n versoeker met enige versoek ten opsigte van 'n versoek om inligting, bystaan; en

(b) Indien 'n versoek om toegang tot 'n rekord mondelings gerig word weens ongeletterdheid of 'n gebrek van 'n versoeker, Vorm 2 van Aanhangel A tot die Regulasies namens die versoeker invul en 'n kopie daarvan aan die versoeker voorsien, soos in artikel 18(3) van die Wet beoog.

(3) Die versoekgeld wat betaalbaar is deur enige versoeker soos in artikel 22(1) van 54(1) van die Wet bedoel is in item 1 van Aanhangel B tot die Regulasies voorgeskryf.

Uitslag van versoek en van gelde betaalbaar

8. (1) Die inligtingsbeampte moet, as 'n versoek om toegang tot 'n rekord in regulasie 7 van die Regulasies bedoel, toegestaan of geweier word, die versoeker verwittig van--

(a) Sy of haar besluit; en

(b) Die gelde betaalbaar soos in Aanhangsel B voor voorsiening gemaak, op die vorm wat wesenlik dieselfde is as Vorm 3 van Aanhangsel A by die Regulasies: Met dien verstande dat 'n versoek om 'n kopie van die gids nie geweier mag word nie.

(2) 'n Persoon wat--

(a) 'n kopie van 'n rekord in regulasie 4 of 5 van die Regulasies geog; of

(b) toegang tot 'n rekord soos in regulasie 7 van die Regulasies beog,

Kan die geld vir reproduksie en posgeld, soos voorgeskryf in Bylae B van die Regulasies, gevra word, indien die versoek toegestaan word.

(3) Indien--

(a) die soektog na 'n rekord ten opsigte van 'n versoek om toegang; en

(b) die voorbereiding van die rekord vir openbaarmaking, met inbegrip van enige reëlins beog in artikel 29(2)(a) en (b)(i) en (ii) (aa) van die Wet,

Na mening van die inligtingsbeampte, meer as ses uur sal vat, moet die inligtingsbeampte op 'n vorm wat wesenlik dieselfde is as Vorm 3 van Aanhangsel A by die Regulasies, die versoeker verwittig om 'n deel van die toegansgelde van die rekordgelde, soos uiteengesit in Aanhangsel B van die Regulasies, as 'n deposito, nie een derde van die betaalbare bedrag moet oorskry nie, indien die versoek toegestaan word.

(4) Die gelde betaalbaar vir die soektog en voorbereiding van die rekord beog by artikel 29(2)(a) en (b)(i) of 54(2)(a) en (b)(i) van die Wet is soos in item 9 van Aanhangsel B tot die Regulasies.

Interne appèl teen besluit van inligtingsbeampte van openbare liggaam

9. 'n Klaer van 'n interne appèl teen 'n besluit van die inligtingsbeampte van 'n openbare liggaam soos beog in artikel 75(1) van die Wet indien, op 'n vorm wat wesenlik dieselfde is as Vorm 4 van Aanhangsel A by die Regulasies.

HOOFSTUK 4 KLAGTES BY INLIGTINGSREGULEERDER

Indien van klagtes

10. 'n Klagte in artikel 77A van die Wet beog, moet skriftelik op 'n vorm wat wesenlik dieselfde is as Vorm 5 van Aanhangsel A tot die Regulasies, by die inligtingsreguleerder ingedien word.

Prosedure vir ondersoek van klagtes

11. (1) (a) By ontvangs van 'n klagte in artikel 77A van die Wet beoog, moet die Inligtingsreguleerder op die vorm wat weselik dieselfde as Vorm 6 van Aanhangsel A tot die Regulasies is, ontvangs van die klagte erken.

(b) Die Inligtingsreguleerder moet die klaer, soos in artikel 77E van die Wet beoog, inlig hetsy--

(i) die Inligtingsreguleerder die klagte verder sal ondersoek; of

(ii) die klagte na die Afdwingingskomitee, by artikel 50 van die Wet op Beskerming van Persoonlike Inligting, 2013 (Wet Nr. 4 of 2013), ingestel, verwys sal word.

(2) As die Inligtingsreguleerder besluit om die klagte te ondersoek soos in artikel 77C(1)(a) van die Wet beoog, moet die Inligtingsreguleerder binne 20 werksdae na ontvangs van die klagte op 'n vorm wat weselik ooreenstem met Vorm 7 of Aanhangsel A tot die Regulasies--

(a) die klagte onder die aandag van die betrokke inligtingsreguleerder bring;

(b) die betrokke inligtingsbeampte inlig van die inligtingsreguleerder se voorneme om die klagte te ondersoek; en

(c) versoek dat die betrokke inligtingsbeampte op die klagte reageer en enige item of dokument waarop hy of sy die besluit gegrond het, te versterk.

(3) Die betrokke inligtingsbeampte moet binne 20 werksdae na ontvangs van die klagte vanaf die Inligtingsreguleerder, skriftelik reageer op die klagte en enige item of dokument by die inligtingsreguleerder versoek.

(4) Vir die doeleindes van die ondersoek, het die Inligtingsreguleerder al die bevoegdhede en werksaamhede soos in artikel 77G van die Wet bepaal.

(5) Die Inligtingsreguleerder moet, binne 'n redelike tyd vanaf die datum van die neem van 'n besluit of aksie--

(a) die klaer en die inligtingsbeampte en enige ander party tot die aangeleentheid, ingelig hou van die vordering met die ondersoek; en

(b) die klaer, die betrokke inligtingsbeampte en enige ander party tot die aangeleentheid, inlig oor die uitslae van die ondersoek,

Op 'n vorm wat weselik dieselfde is as Vorm 8 tot Aanhangsel A by die Regulasies.

(6) Die Inligtingsreguleerder kan, tydens die ondersoek soos in subregulasie (1)(b) beoog, as dit voorkom dat die Afdwingingskomitee die klagte beter kan ondersoek, die klagte na die Afdwingingskomitee verwys, en moet die klaer skriftelik daarvan inlig.

Skikking van aangeleentheid

12. (1) As dit vanuit de klagte of uit enige skriftelike antwoord op die klagte--

(a) kragtens artikel 77E(b)(ii) van die Wet; of

(b) tydens 'n bemiddelingsvergadering,

Blyk dat dit moontlik mag wees om 'n skikking tussen die partye te bereik, kan die Inligtingsreguleerder met die partye beraadslag--

(i) persoonlik; of

(ii) deur elektroniese kommunikasie,

soos gepas geag om te poog om 'n skikking te bewerkstellig.

(2) As die Inligtingsreguleerder tydens die proses in subregulasie (1) bedoel, besluit om 'n skikkingsvergadering te belê, moet die Reguleerder, so gou as moontlik, die partye op 'n vorm wat wesenlik dieselfde is as Vorm 9 van Aanhangel A, inlig van die datum, tyd en plek van die skikkingsvergadering.

(3) Vir die doeleindes van skikkingsverrigtinge, het die Inligtingsreguleerder dieselfde bevoegdheids as 'n bemiddelaar in regulasies 13(3) en (4) van die Regulasies beoog.

(4) Die Inligtingsreguleerder oet 'n skikkingsertifikaat uitreik op 'n vorm wat wesenlik dieselfde is as Vorm 10 van Aanhangel A tot die Regulasies, binne 'n redelike tyd na die datum van afhandeling van die skikkingsvergadering.

(5) Indien geen skikking bereik kan word nie of as enige een of albei partye nie 'n skikkingsvergadering wou bywoon nie, moet die Inligtingsreguleerder voorgaan met die aangeleentheid soos ingevolge artikel 77C van die Wet voor voorsiening gemaak.

Bemiddeling van aangeleentheid

13. (1) As dit--

(a) by ontvangs van 'n klagte;

(b) tydens die ondersoek van die klagte; of

(c) by ontvangs van enige skriftelike antwoord vanaf die inligtingsbeampte van 'n openbare liggaam of die hoof van 'n privaatliggaam, ingevolge artikel 77E(b)(ii) van die Wet,

Vir die Inligtingsreguleerder duidelik word dat die klagte, of sekere aspekte van die klagte, suksesvol geskik kan word, kan die Inligtingsreguleerder bemiddelingsverrigtinge oor en as bemiddelaar in die aangeleentheid optree.

(2) Die Inligtingsreguleerder moet 'n bemiddelingsvergadering so gou as moontlik belê en die klaer, die betrokke inligtingsbeampte of enige ander party tot die aangeleentheid, op 'n vorm wat wesenlik dieselfde as Vorm 11 van Aanhangel A tot die Regulasies is, inlig--

(a) van die Inligtingsreguleerder se besluit om as bemiddelaar in die aangeleentheid op te tree;

(b) die naam van die bemiddelaar;

- (c) van die datum, wat ten minste 10 werksdae na hierdie kennisgewing moet wees, tyd en plek van die bemiddelingsvergadering; en
- (d) dat in die geval van niebywoning deur een of beide van die partye, die Inligtingsreguleerder persone kan dagvaar om voor die Inligtingsreguleerder te verskyn.

(3) Die Inligtingsreguleerder--

- (a) kan aparte klagtes konsolideer, wat na bewering verband hou met dieselfde aangeleentheid deur dieselfde inligtingsbeampte, ten einde die klagtes in dieselfde bemiddelingsvergaderings te hanteer;
- (b) moet verseker dat alle persone wat geregtig is om die bemiddelingsvergadering by te woon, betyds in kennis gestel word van die datum, ty den plek van die vergadering;
- (c) kan al die tersaaklike dokumentasie oor die klagte van die klaer, inligtingsbeampte of enige ander party tot die aangeleentheid, aanvra;
- (d) kan persoonlik met die partye beraadslaag, per elektroniese kommunikasie, of per enige ander middele wat gepas geag word; en
- (e) kan-
 - (i) die partye aanmoedig om met mekaar te kommunikeer met die oog daarop om die aangeleentheid te skik;
 - (ii) die partye bystaan om die kwessies in geskil te verminder;
 - (iii) 'n aktiewe rol neem in die verrigtinge, met inbegrip van die opsomming van die verskeie opsies beskikbaar aan die partye en die sterk en swak punte van die aangeleentheid;
 - (iv) menigs lig oor die kwekkssies van feitlike of regsgekkille tussen die partye;
 - (v) raad gee oor koste-implikasies en ander regsgevolge; en
 - (vi) enige voorstel aan die partye doen met die oog daarop om die aangeleentheid te skik.

(4) Waar 'n bemiddelingsvergadering nie plaasvind nie, moet die inligtingsreguleerder reëlings tref vir 'n alternatiewe datum en die persone wat die reg het om die bemiddelingsvergadering by te woon, dienooreenkomstig in kennis stel.

(5) Die Inligtingsreguleerder moet 'n bemiddelingsertifikaat wat wesenlik dieselfde is as Vorm 12 van Aanhangsel A by die Regulasies uitreik binne 'n redelike tyd na die datum van die afhandeling van die bemiddelingsvergadering.

(6) As die klagte nie opgelos word nie, of een van die of albei partye nie die bemiddelingsvergadering bygewoon het nie, moet die Inligtingsreguleerder met die klagte voortgaan soos in artikel 77C(1) van die Wet voor voorsiening gemaak.

Oudit

14. (1) 'n Versoek deur die inligtingsbeampte vir 'n oudit ingevolge artikel 77H(1) van die Wet, moet skriftelik by die Inligtingsreguleerder ingedien word op vorm wat wesenlik dieselfde is as Vorm 13 van Aanhangsel A tot die Regulasies, saam met gestaafde redes vir die versoek.

(2) As die Inligtingsreguleerder 'n versoek om 'n oudit ingevolge subregulasie (1) ontvang of uit eie beweging besluit, om 'n oudit te doen soos beoog in artikel 77H(1) van die Wet, moet die Inligtingsreguleerder--

(a) die openbare of privaatliggaam skriftelik op 'n vorm wat wesenlik dieselfde is as Vorm 14 van Aanhangsel A, inlig van die versoek om 'n oudit wat ontvang is, of van sy of haar besluit om uit eie beweging 'n oudit te doen; en

(b) versoek dat die openbare of privaatliggaam skriftelik antwoord, met die gestaafde redes, waarom 'n oudit onnodig is, binne die tyd deur die Inligtingsreguleerder gespesifiseer.

(3) By ontvangs van enige antwoord en gestaafde redes waarom 'n oudit onnodig is, of nadat die datum in die kennisgewing gespesifiseer, verstryk het, hetsy 'n antwoord en gestaafde redes ontvang is al dan nie, moet die Inligtingsreguleerder--

(a) besluit of 'n oudit gedoen sal word of nie; en

(b) skriftelik--

(i) die openbare of privaatliggaam; en

(ii) as 'n versoek om oudit ontvang is, die persoon wat 'n oudit aangevra het, inlig op 'n vorm wat wesenlik dieselfde is as Vorm 15 van Aanhangsel A tot die Regulasies, hetsy besluit is om 'n oudit te doen al dan nie, binne 'n redelike tyd vanaf die datum waarop die besluit geneem is.

(4) Die--

(a) tydperk van oudit; en

(b) wyse van oudit,

Sal deur Inligtingsreguleerder van geval tot geval besluit word.

(5) Die Inligtingsreguleerder moet die volgende in ag neem wanneer 'n oudit gedoen word:

(a) Die aard van die betrokke liggaam;

(b) die dienste wat dit aan die publiek of 'n groep persone verskaf;

(c) die doel van die inligting wat geoudit word;

(d) die waarskynlike uitwerking van nienakomng, of van toekomstige of voortgesette nienakoming van die Wet deur die betrokke liggaam;

(e) hetsy sodanige nienakoming voorheen gepleeg is;

(f) hetsy die liggaam voorheen bewus gemaak is van die vroeëre of huidige nienakoming;

- (g) die stappe wat die liggaam gedoen het om aan die Wet te voldoen; en
- (h) die doeltreffendste oplossing in die openbare belang om die nienakoming te herstel.
- (6) By afhandeling van die oudit, moet die Inligtingsreguleerder 'n ouditverslag opstel wat in besonderhede bevindings en aanbevelings, indien enige, bevat.
- (7) Indien die Inligtingsreguleerder bevind het dat die openbare of privaatliggaam nie aan die bepalings van die Wet voldoen nie, moet die Inligtingsreguleerder die aangeleentheid hanteer asof 'n klagte ingevolge artikel 77A by die Inligtingsreguleerder ingedien is.
- (8) Die Inligtingsreguleerder moet--
- (a) die openbare of privaatliggaam; en
- (b) die persoon wat 'n oudit aangevra het, as 'n versoek ontvang is,
- Van enige besluit wat geneem is, of stap wat gedoen is, of opinie wat gevorm is, inlig op 'n vorm wat wesenlik dieselfde is as Vorm 16 van Aansoek A tot die Regulasies, binne 'n redelike tyd vanaf die datum waarop die besluit geneem is of stap gedoen is of opinie gevorm is.

HOOFSTUK 5 DIVERSE

Elektroniese kommunikasie

15. Die bepalings van die Wet op Elektroniese Kommunikasie en Transaksies, 2002, is van toepassing op alle vorms, rekords of enige inligting wat elektronies kommunikeer word.

Misdrywe en strawwe

16. 'n Inligtingsbeampte wat opsetlik of op 'n gruwelike wyse gelde hef anders as die gelde ingevolge die Regulasies voorgeskryf, is skuldig aan 'n misdryf en is by skuldbevinding strafbaar met 'n boete of met gevangenisstraf vir 'n tydperk van hoogstens twee jaar.

Herroeping en oorgangsmatreëls

17. (1) Die regulasies kragtens Goewermentskennisgewing Nr. R. 187 van 15 February 2002, gepubliseer, soos gewysig deur Goewermentskennisgewing Nr's R. 1244 of 22 September 2003, R. 990 van 13 Oktober 2006, R. 466 van 1 June 2007 en R. 307 of 1 April 2021, word hierop herroep.
- (2) Enigiets kragtens 'n bepaling van 'n regulasie herroep deur subregulasie (1) gedoen en wat kragtens 'n bepaling van die Regulasies gedoen kon gewees het, word geag kragtens die latere bepaling gedoen te gewees het.

Kort titel

18. Die Regulasies heet die Regulasies rakende die Wet op Bevordering van Toegang tot Inligting, 2021.